

*Regio & unde
dicta.
Situs.*

Soli fertilitas.

*Animalium va-
rietas.
Imperii Majo-
rum.*

Urbs.

AD Mercatorem redeo, apud quem sequitur *Waldeccia* vel *Waldeccensis Comitatus*, vulgo *De Grafschaft Waldeck*. Nomen habet ab urbe *Waldeckia*: estque *Hafsia* non minima pars. Conjacet illi ad Orientem quidem *Hafsia*: ad Septentrionem Episcopatus *Paderbornensis*: Occidentior pars *Diaecesim* respicit *Colonensem* Longitudo & Latitudo Comitatus est vi milliarium. Solum, fertili campo, apricis collibus, irriguis amnibus felix: Frumentum profert magna, copia & Vinum: Metalla gignit varii generis, Aurum, Argentum, *Æs*, Ferrum, Plumbum, Argentum Vivum, Alumen, & Salem. Circa *Wildungam* enim urbem, arcemque *Eisenburgum* pleraque hæc è Terræ visceribus rara felicitate effodiuntur. Sunt & Saxa grandia, fossilia, (qualia in Episcopatu *Leodiensi*) ad ignem idonea: Germanis *Steinkölen*, his ignem focumque tanquam carbonibus foveant. Varii generis producit Animalia, magnamque in Silvis Ferarum copiam, quæ ad venationes frequentes Incolas exstimulant. Originem autem Comitum *Waldecensium*, a *Widechindo* Comite in *Snalenberg*, quem *Carolus Magnus* Ecclesiæ *Paderbornensis*, a se primum fundatæ, Advocatum id est, (si vera est *Advocati* interpretatio, quam *Iac. Meyerus* alii que afferunt) Civitatis Principem constituit, arcessunt. Quod jus ex posteris quidam *Widechindus* Comes *Waldeccensis*, cum *Friderico Barbarossa* in *Asiam* profecturus, acceptis ccc Argenti Marcis, collegio remisisse scribitur. Nec vero continua superiorum Comitum familiæ series adnotata, quod sciam, exstat. Itaque ab *Henrico Ferro*, qui *Corbachiam* antea liberam, Imperio Comitum primus subjecit, series ad nostra tempora deducta adscribitur. *Henricus Ferreus* Arcis *Laudoia* conditor, *Corbachiam* anno c10 cccclxvi die xi Martii oppressam, sibi parere coegit. *Henricus*, *Fridericum* Ducem *Brunswicensis* electum Imp. ad *Frislariam* interfecit anno c10 cccc, uxor *Elizabetha Bergensi*. *Henricus* cœpit anno c10 ccccx sexennale bellum cum *Partibergiis*, finivit c10 ccccxviii. Patrocinio *Ludovici Hafsia* Principis se primus subjecit anno c10 ccccxxviii. *Wolradus* Comes *Waldeck*, ab Episcopo *Moguntino*, *Frislariæ* & aliis quæ in *Hafsia* tenet Opidis præfectus c10 cccxxxiii. *Philippus* i. *Philippi* i. filius, Vxor *Anna* filia *Ioannis* ii Ducis *Clivensis*. *Wolradus* ii Pius, doctus & humanus: Præses colloquii *Ratisbonensis* anno c10 cclvi, mortuus c10 cclxxviii. *Iosias* natus ano c10 ccliii, mortuus c10 cclxxxviii. *Christianus* & *Wolradus*, Comitum *Iosia* filii. Ad dignitatē autē Officii Imperialis quod attinet, inter iv Servos seu Milites Imperii, Comitatus hic primus numeratur: Sunt enim *Waldeck*, *Hürten*, *Fulchen*, *Arnsperg*, *Rabnaw*. Urbs primaria *Waldeccia*, vulgo *Waldeck*, quæ regioni nomen dedit, Arce prædita, quam *Edera* fluvius alluit. Sunt & *Astinchusa*, *Dudinhusa* Opida: *Landavia* urbs cum adjuncta Arce: *Mengerhusa* urbs quoque cum Arce. Comitum hodie sedes, duobus a *Waldeccia* milliaribus distat: *Rodeum* urbs & Arx, in cuius Territorio venationes sunt frequentes. *Wetterburgum* Arx locus adpectu & positu peramœnus, inter *Twistam* videlicet & *Ahram* fluvios sita: *Wildunga* urbs quæ novo & veteri nomine ac loco distincta est: juxta quam Fodinæ Metallicæ: ex quibus magna vis Auri, *Æris* & Ferri quotidie eruitur. Sunt & hic fontes acidi ad quos variarum regionum agrī ante annos aliquot solebant confluere. Coquitur hic etiam optima *Cerevisia*, qua præstantiorem non habet hæc regio. *Frienhagen* *Carolini* iudicii sedes: *Saxen-*
busem,